

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА

Комисија за спољну и трговинску
политику, царине, саобраћај и
комуникације



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA

Комисија за ванјску и трговинску
политику, царине, саобраћај и комуникације
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-12/21

Sarajevo: 11.1. 2021.

11 -01- 2021

PREDSJEDAVALJUĆEM DOMA NARODA
PARLAMENTARNE SKUPŠTINE
BOSNE I HERCEGOVINE

13

PREDMET: Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2020. godinu, -dostavlja se,

Na osnovu člana 27. stava (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), i u skladu sa Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10.04.2014.) u prilogu dostavljamo Izvještaj o radu Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine za 2020. godinu.

Izvještaj je razmatran i usvojen na 12. sjednici Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, održanoj 11. 1. 2021. godine.

S poštovanjem,

Predsjedavajući Komisije
Dr. Amir Fazlić

Dostavljeno:

- naslovu
- a/a



**БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ДОМ НАРОДА**

Комисија за спољну и трговинску
политику, царине, саобраћај и
комуникације



**BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
DOM NARODA**

Komisija za vanjsku i trgovinsku
politiku, carine, saobraćaj i komunikacije
Povjerenstvo za vanjsku i trgovinsku
politiku, carine, promet i veze

Broj: 02/2-50-8-23-12/21
Sarajevo, 11. 1. 2021.

**IZVJEŠTAJ O RADU
KOMISIJE ZA VANJSKU I TRGOVINSKU POLITIKU, CARINE,
SAOBRAĆAJ I KOMUNIKACIJE
DOMA NARODA
PARLAMENTARNE SKUPŠTINE BOSNE I HERCEGOVINE
ZA PERIOD OD 1. 1. DO 31. 12. 2020.**

Sarajevo, januar 2021.

S a d r Ź a j

UVOD

POGLAVLJE I. Sjednice Komisije

ODJELJAK A. Statistički podaci o sjednicama

ODJELJAK B. Zakonodavne aktivnosti

ODJELJAK C. Međunarodni sporazumi

ODJELJAK D. Godišnji izvještaji

ODJELJAK E. Izvještaji o međunarodnim aktivnostima

ODJELJAK F. Ostali izvještaji i informacije

POGLAVLJE II. Ostale aktivnosti Komisije

ODJELJAK A. Međunarodne aktivnosti

POGLAVLJE III. Rezime

Prilozi

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2020.

Tabela 2. Prisustvo sjednicama Komisije, 1. 1 - 31. 12. 2020.

Prilog 3: Međunarodni sporazumi

Na osnovu člana 27. stav (2) Poslovnika Doma naroda Parlamentarne skupštine Bosne i Hercegovine („Službeni glasnik BiH”, br. 58/14, 88/15, 96/15 i 53/16) i u skladu s Uputstvom o metodologiji izrade izvještaja o radu komisija Parlamentarne skupštine Bosne i Hercegovine (broj: 01,02-02-4-574-1/13 od 10. 4. 2014), Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine podnosi Domu naroda Parlamentarne skupštine Bosne i Hercegovine sljedeći

IZVJEŠTAJ O RADU

(za period od 1. 1. 2020. do 31. 12. 2020)

Uvodne napomene

Osnovni cilj rada Komisije u izvještajnom periodu bio je da osigura kvalitetnu pripremu rada Doma naroda i što bolje i efikasnije funkcioniranje Doma, a time i Parlamentarne skupštine BiH, provođenjem općih opredjeljenja određenih Ustavom BiH i Dejtonskim mirovnim sporazumom, te politikom koju su utvrdili Predsjedništvo BiH, Vijeće ministara BiH i Parlamentarna skupština BiH, kao i ulogom i zadacima Doma naroda Parlamentarne skupštine BiH.

U skladu s članom 40. Poslovnika Doma naroda Parlamentarne skupštine BiH, Komisija za vanjsku i trgovinsku politiku, carine, saobraćaj i komunikacije:

- prati vođenje vanjske politike koju su utvrdili Predsjedništvo BiH i Vijeće ministara BiH;
- razmatra pitanja saradnje BiH s Ujedinjenim narodima i međunarodnom zajednicom;
- razmatra pitanja međuparlamentarne saradnje s odgovarajućim komisijama parlamenata drugih zemalja;
- razmatra pitanja saradnje s Vijećem Evrope, Interparlamentarnom unijom, Centralnoevropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- razmatra pitanja rada s institucijama BiH kompetentnim za pitanja vanjskih poslova i međunarodnih odnosa;
- razmatra aktivnosti stalnih ili privremenih delegacija Parlamentarne skupštine BiH u međuparlamentarnim institucijama;
- razmatra pitanja saglasnosti za ratificiranje međunarodnih ugovora, sporazuma i konvencija;
- razmatra pitanja otkazivanja međunarodnih ugovora, sporazuma i konvencija;
- razmatra pitanja koja se odnose na vanjskotrgovinsku politiku;
- razmatra pitanja koja se odnose na sporazume o međunarodnoj trgovini;
- razmatra pitanja koja se odnose na carinsku politiku;
- razmatra pitanja koja se odnose na tarife, propise i zakone iz svoje oblasti;
- razmatra pitanja koja se odnose na međunarodne obaveze BiH;

- razmatra odnose s međunarodnim trgovinskim institucijama;
- razmatra pitanja koja se odnose na putne isprave;
- razmatra pitanja koja se odnose na boravak i kretanje stranaca;
- razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- razmatra pitanja koja se odnose na reguliranje međuentitetskog saobraćaja;
- razmatra pitanja koja se odnose na kontrolu zračnog saobraćaja;
- razmatra pitanja koja se odnose na kontrolu frekvencija;
- razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

POGLAVLJE I. SJEDNICE KOMISIJE

Odjeljak A. Statistički podaci o sjednicama

Kako je predviđeno Odjeljkom C. (Opće odredbe o komisijama Doma), članom 26. stav (2) Poslovnika Doma naroda Parlamentarne skupštine BiH: “Stalne komisije imaju šest članova, dok privremene komisije Doma mogu imati do šest članova. Komisije se popunjavaju srazmjerno klubovima naroda u Domu, od kojih su dvije trećine članova izabrani s teritorije Federacije BiH, a jedna trećina s teritorije Republike Srpske.”

U skladu s tim, članovi Komisije za vanjsku i trgovinsku politiku, carine, saobraćaj i komunikacije Doma naroda su: Amir Fazlić, predsjedavajući, Marina Pendeš, prva zamjenica, i Dušanka Majkić, druga zamjenica predsjedavajućeg, Munib Jusufović, Zlatko Miletić i Mladen Bosić, članovi. Munib Jusufović imenovan je za člana Komisije na sjednici Doma naroda 23. 1. 2020, nakon prestanka mandata Fahrudina Radončića kao delegata u Klubu bošnjačkog naroda u Domu naroda.

Sjednicu Komisije saziva predsjedavajući Komisije, u skladu s članom 30. Poslovnika, i to, u pravilu, pet dana prije održavanja sjednice, osim ako ne postoje opravdani razlozi za njeno sazivanje u kraćem vremenu.

Predsjedavajući Komisije, u saradnji sa sekretarom, organizira rad Komisije. Za svaku godinu priprema se radni plan, čiji su sadržaj i rokovi za realiziranje postavljeni okvirno, prema očekivanim aktivnostima na nivou Bosne i Hercegovine i prema potrebnoj koordinaciji s drugim tijelima nadležnim za vanjsku i trgovinsku politiku, carine, saobraćaj i komunikacije. Moguće je pomjerati rokove za razmatranje pitanja iz plana, zavisno od vremena dospijevanja materijala od nadležnih institucija, sa osnovnim ciljem da se materijali što kraće zadržavaju u Komisiji i u parlamentarnoj proceduri. Datumi održavanja svake sjednice, te prisustvo članova Komisije sjednicama mogu se vidjeti u tabelarnom prikazu (prilog).

Zavisno od dnevnog reda, odnosno broja materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije. Naime, uvijek se omogućava i ostavlja dovoljno vremena izvjestiocima, predlagačima i članovima Komisije da iskažu svoje mišljenje, stav ili postavbe pitanje u vezi s materijalom o kojem se raspravlja.

Komisija je u izvještajnom periodu održala devet sjednica:

- 3. sjednica	22. 1.	25 tačaka dnevnog reda
- 4. sjednica	13. 2.	19 tačaka dnevnog reda
- 5. sjednica	27. 5.	25 tačaka dnevnog reda
- 6. sjednica	24. 6.	10 tačaka dnevnog reda
- 7. sjednica	7. 7.	11 tačaka dnevnog reda
- 8. sjednica	20. 7.	3 tačke dnevnog reda
- 9. sjednica	29. 7.	6 tačaka dnevnog reda
- 10. sjednica	6. 10.	7 tačaka dnevnog reda
- 11. sjednica	23. 11.	7 tačaka dnevnog reda

Na sjednicama Komisije u 2020. godini razmatrano je ukupno 113 tačaka dnevnog reda, što je u prosjeku 12 tačaka po sjednici.

Komisiju u njenom radu opslužuje Ured sekretara Komisije. Opći i posebni poslovi koje obavlja Ured sekretara Komisije regulirani su čl. 21. i 29. Pravilnika o unutrašnjoj organizaciji i sistematizaciji radnih mjesta u Sekretarijatu Parlamentarne skupštine BiH. Aktivnosti na sjednici bilježi sekretar Komisije. U saradnji s predsjedavajućim, sekretar Komisije izrađuje zapisnik koji članovi Komisije usvajaju, u pravilu, na narednoj zakazanoj sjednici.

U Uredu sekretara zaposlena su dva državna službenika: sekretar Komisije Nenad Pandurević i stručna savjetnica Kristina Milošević.

Odjeljak B. Zakonodavne aktivnosti

U izvještajnom periodu Komisiji su dostavljena dva zakonska prijedloga, i to:

1. Prijedlog zakona o izmjenama i dopunama Zakona o sistemu državne pomoći u Bosni i Hercegovini, predlagač: Vijeće ministara BiH
2. Prijedlog zakona o elektronskoj identifikaciji i uslugama povjerenja za elektronske transakcije.

Prijedlog zakona o izmjenama i dopunama Zakona o sistemu državne pomoći u Bosni i Hercegovini razmatran je u Komisiji u prvoj i drugoj komisijskoj fazi. Domu naroda blagovremeno je dostavljeno mišljenje, odnosno izvještaj.

Dom naroda Parlamentarne skupštine BiH je na 8. sjednici, održanoj 25. 6. 2020, usvojio Prijedlog zakona o izmjenama i dopunama Zakona o sistemu državne pomoći u Bosni i Hercegovini.

Komisija nije razmatrala Prijedlog zakona o elektronskoj identifikaciji i uslugama povjerenja za elektronske transakcije, pošto je Predstavnički dom PSBiH odbio Prijedlog zakona na 9. sjednici, održanoj 10. 6. 2020.

Na osnovu Programa rada Vijeća ministara BiH za 2020, bilo je predviđeno upućivanje u parlamentarnu proceduru više prijedloga zakona iz nadležnosti Komisije.

Dakle, u parlamentarnu proceduru nisu dostavljeni, iako je bilo predviđeno Planom rada Vijeća ministara BiH za 2020. godinu, sljedeći prijedlozi zakona: Zakon o vanjskim poslovima BiH, Zakon o regulatoru električne energije i prirodnog gasa, prijenosu i tržištu električne energije u BiH, Zakon o operatoru prenosnog sistema u BiH, Zakon o izmjeni Zakona o poljoprivredi, ishrani i ruralnom razvoju Bosne i Hercegovine, Zakon o hrani Bosne i Hercegovine, Zakon o vinu Bosne i Hercegovine, Zakon o nadzoru nad tržištem Bosne i Hercegovine, Zakon o carinskoj politici, Zakon o tehničkim zahtjevima za proizvode i ocjenjivanju usklađenosti, Zakon o radnom vremenu, obaveznim odmorima mobilnih radnika i uređajima za evidentiranje u drumskom prevozu, Zakon o Javnom radiotelevizijskom sistemu Bosne i Hercegovine, Zakon o informacionoj sigurnosti i sigurnosti mrežnih informacionih sistema, Zakon o željeznicama i Zakon o zrakoplovstvu Bosne i Hercegovine.

Odjeljak C. Međunarodni sporazumi

U navedenom periodu razmatrano je ukupno 59 međunarodnih pravnih akata. Kompletan spisak je u prilogu Izvještaja. Spisak razmatranih međunarodnih sporazuma nalazi se u prilogu ovog izvještaja.

Nadležna ministarstva blagovremeno su obavještavana o razmatranju sporazuma iz njihove nadležnosti i njihovi predstavnici su prisustvovali sjednicama Komisije.

Za sve međunarodne ugovore razmatrane na sjednicama Komisija je blagovremeno dostavila izvještaje Domu naroda s prijedlogom Komisije za davanje saglasnosti za ratifikaciju.

Odjeljak D. Godišnji izvještaji

U toku 2020. godine na sjednicama Komisije razmatrani su sljedeći izvještaji o aktivnostima institucija BiH koje spadaju u nadležnost Komisije, i to:

1. Izvještaj o radu Vijeća ministara BiH za 2017, 2018. i 2019. godinu u dijelu nadležnosti Komisije
2. Godišnji izvještaj iz oblasti poljoprivrede, ishrane i ruralnog razvoja za Bosnu i Hercegovinu za 2017. i 2018. godinu
3. Izvještaj o radu i finansijskom poslovanju BHRT-a za 2017., 2018. i 2019. godinu
4. Izvještaji o realizaciji programskih planova BHT 1, BH Radija 1, Muzičke produkcije BHRT-a i Portala BHRT-a za 2017., 2018. i 2019. godinu
5. Programski plan i Finansijski plana BHRT-a za 2018., 2019. i 2020. godinu
6. Izvještaji o radu i Finansijski izvještaji Agencije za poštanski saobraćaj Bosne i Hercegovine za 2018. i 2019. godinu
7. Izvještaj o radu Upravnog odbora Izvozno-kreditne agencije Bosne i Hercegovine za 2018. i 2019. godinu
8. Informacija o stanju u Izvozno-kreditnoj agenciji Bosne i Hercegovine (IGA-i)
9. Izvještaji o radu Državne regulatorne komisije za električnu energiju u 2018. i 2019. godini
10. Prijedlog izvještaja o realizaciji Strateškog plana ruralnog razvoja BiH (2018-2021) – Okvirni dokument u 2018. godini.

Komisija je blagovremeno razmotrila sve dostavljene izvještaje, a Domu naroda dostavljena su mišljenja Komisije o svim navedenim izvještajima, u kojima je Komisija, između ostalog, davala i konkretne prijedloge zaključaka.

Odjeljak E. Izvještaji o međunarodnim aktivnostima

U okviru svoje nadležnosti, a na osnovu odredbi Pravilnika o međunarodnim aktivnostima Parlamentarne skupštine BiH, na sjednicama Komisije u navedenom periodu razmatrano je ukupno 18 izvještaja sa službenih putovanja parlamentarnih komisija i delegacija.

Odjeljak F. Ostali izvještaji i informacije

Osim izvještaja o radu, Komisija je u okviru svoje nadležnosti razmatrala i druge vrste informacija i dokumenata, od kojih izdvajamo samo najznačajnije:

1. Prijedlog izvještaja o radu Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2018 i 2019. godinu;
2. Prijedlog orijentacionog plana rada Komisije za vanjsku i trgovinsku politiku, carine, saobraćaj i komunikacije Doma naroda PSBiH za 2020. godinu;
3. Finansijski plan Državne regulatorne komisije za električnu energiju za 2019. , 2020. i 2021. godinu
4. Zahtjev zajedničkog kolegija za utvrđivanje Prijedloga članova međuparlamentarnih grupa prijateljstva PSBiH iz Doma naroda (broj: 01,02-50-12-18-3,6/19 od 17.12.2019)
5. Zahtjev Udruženja privatnih poštanskih operatera (UPPO) za odustajanje od inicijative za izuzeće Bosne i Hercegovine iz odredbi člana 15. i člana 20. Svjetske poštanske unije, (broj: 01/5,02/2-50-18-1594/20 od 31. 7. 2020)
6. Obavještenje o produženju projekta “Tehnička podrška javnim medijskim servisima na zapadnom Balkanu“ (broj: 02/2,01/5,03/11-05-1-1776/20 od 7. 9. 2020)

Nakon razmatranja na sjednicama Komisije, pripremljeni su i Kolegiju Doma naroda, odnosno Domu naroda (u zavisnosti od sadržaja materijala) dostavljeni izvještaji o stavovima Komisije za svaki od navedenih materijala.

POGLAVLJE II. OSTALE AKTIVNOSTI KOMISIJE

ODJELJAK A. Međunarodne aktivnosti

Veb-konferencija „Javni medijski servis u tranziciji: izazovi s kojima se treba suočiti i put naprijed“

Konferenciji „Javni medijski servis u tranziciji: izazovi s kojima se treba suočiti i put naprijed“, na kojoj su učestvovali članovi parlamenata Albanije, Bosne i Hercegovine, Sjeverne Makedonije i Srbije, a koja je održana online 3. novembra 2020, u ime Komisije za vanjsku i trgovinsku politiku, carine, saobraćaj i komunikacije Doma naroda, učestvovala je Marina Pendeš, prva zamjenica predsjedavajućeg. Ured sekretara Komisije proveo je sve pripremne aktivnosti.

Online sastanak Parlamentarnog plenuma Energetske zajednice

Sastanak Parlamentarnog plenuma Energetske zajednice održan je 9. 12. 2020. putem online platforme Webex. Kolegiji domova su za članove Parlamentarnog plenuma Energetske zajednice u ime Parlamentarne skupštine BiH imenovali: Marinu Pendeš i Snježanu Novaković-Bursać, a za zamjenske članove Amira Fazlića i Branislava Borenovića. U ime Parlamentarne skupštine BiH, ovom skupu prisustvovala je Snježana Novaković-Bursać, dok je Marina Pendeš, kao drugi član iz Parlamentarne skupštine BiH, opravdano bila spriječena učestvovati na sastanku. Također, sastanku su prisustvovali i Nenad Pandurević, sekretar, i Kristina Milošević, stručna savjetnica u Komisiji za vanjsku i trgovinsku politiku, carine, saobraćaj i komunikacije Doma naroda. Ured sekretara Komisije obavio je sve pripremne aktivnosti, te dostavio izvještaj o održanom sastanku.

POGLAVLJE III. R E Z I M E

Može se konstatirati da je Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2020. godini blagovremeno realizirala sva zaduženja, odnosno razmotrila sve materijale iz svoje nadležnosti, kako bi pravovremeno mogli biti razmatrani u Domu naroda.

Rad Komisije u najvećoj mjeri zavisio je od materijala koje je dostavilo Vijeće ministara BiH, odnosno Predsjedništvo BiH.

Svi izvještaji, mišljenja i drugi akti iz nadležnosti Komisije blagovremeno su dostavljani predsjedavajućem Doma, odnosno Kolegiju Doma naroda na daljnji postupak.

Osim toga, članovi Komisije prisustvovali su i drugim sastancima i skupovima na kojima su razmatrane teme i pitanja iz nadležnosti Komisije.

Svojim radom Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine BiH u 2020. nastojala je dati doprinos uspješnom radu Doma naroda.

Predsjedavajući Komisije

Dr. Amir Fazlić



Prilog:

Tabela 1. Pregled sjednica Komisije s tačkama dnevnog reda i prisustvom, 1. 1 - 31. 12. 2020.

Broj i datum održavanja	Broj razmatranih tačaka	Prisustvo članova (%)
3. sjednica 22. 1. 2020.	25	83
4. sjednica 13. 2. 2020.	19	83
5. sjednica 27. 5. 2020.	25	100
6. sjednica 24. 6. 2020.	10	67
7. sjednica 7. 7. 2020.	11	100
8. sjednica 20. 7. 2020.	3	100
9. sjednica 29. 7. 2020.	6	100
10. sjednica 6. 10. 2020.	7	83
11. sjednica 23. 11. 2020.	7	67
Ukupan broj sjednica: 9	Ukupno tačaka: 113	Prosjek prisustva: 87%

Tabela 2. Prisustvo sjednicama Komisije, 1. 1 - 31. 12. 2020.

Sjednice/članovi	Amir Fazlić	Marina Pendeš	Duškanka Majkić	Munib Jusufović	Zlatko Miletić	Mladen Bosić	Ukupno
3. sjednica 22. 1.	+	+	+	*	+	+	5
4. sjednica, 13. 2.	+	+	+	+	+	-(O)	5
5. sjednica, 27. 5.	+	+	+	+	+	+	6
6. sjednica, 24. 6.	+	+	+	-(O)	-(O)	+	4
7. sjednica, 7. 7.	+	+	+	+	+	+	6
8. sjednica, 20. 7.	+	+	+	+	+	+	6
9. sjednica, 29. 7.	+	+	+	+	+	+	6
10. sjednica, 6. 10.	+	+	+	+	-(O)	+	5
11. sjednica, 23. 11.	+	-(O)	+	-(O)	+	+	4
Ukupno	9/9	8/9	9/9	6/9	7/9	8/9	47/54
%	100	89	100	67	78	89	87

Legenda: (O) – Opravdano odsutan

* Munib Jusufović imenovan je za člana Komisije na sjednici Doma naroda 23. 1. 2020, nakon prestanka mandata Fahrudina Radončića kao delegata u Klubu bošnjačkog naroda u Domu naroda, te je sjednicama Komisije prisustvovao od njene 4. sjednice.

Prilog 3. Međunarodni sporazumi

1. Ugovor o grantu (Koridor 5c u RS-u - dio 1) između Bosne i Hercegovine i Evropske banke za obnovu i razvoj;
2. Konvencij o međunarodnim pravilima za sprečavanje sudara na moru 1972 (COLREGs);
3. Akati Svjetske poštanske unije, koji su usvojeni na 26. kongresu održanom 2016. u Istanbulu;
4. Protokol uz Konvenciju o ugovoru o međunarodnom drumskom prijevozu robe (CMR), Ženeva, 19. maja 1956. godine;
5. Ugovor o principima kojima se uređuje djelovanje zemalja u istraživanju i korištenju svemira, uključujući i Mjesec i druga nebeska tijela;
6. Sporazum između Vijeća ministara Bosne i Hercegovine i Vlade Ujedinjenih Arapskih Emirata o zračnom saobraćaju između i izvan njihovih teritorija;
7. Protokol broj 15 uz Evropsku konvenciju o zaštiti ljudskih prava i osnovnih sloboda;
8. Protokol broj 16 uz Evropsku konvenciju o zaštiti ljudskih prava i osnovnih sloboda;
9. Izmjena i dopuna Konvencije o zaštiti Sredozemnog mora od zagađenja – Konvencija iz Barcelone;
10. Ugovor o slobodnoj trgovini između Bosne i Hercegovine i Republike Turske;
11. Sporazum između Vijeća ministara Bosne i Hercegovine i Vlade Republike Francuske u oblasti kinematografske koprodukcije;
12. Produženje važenja Protokola između Vijeća ministara Bosne i Hercegovine i Vlade Republike Slovenije o saradnji u oblasti obrazovanja;
13. Sporazum između Bosne i Hercegovine i Švicarske Konfederacije o socijalnoj sigurnosti i Administrativni sporazum o provođenju Sporazuma između Bosne i Hercegovine i Švicarske Konfederacije o socijalnoj sigurnosti;
14. Izmjena i dopuna Aneksa Konvencije Međunarodne organizacije rada o identifikacionim dokumentima pomoraca (revidirana) broj 185 iz 2003. godine;
15. Konvencija Vijeća Evrope o krivotvorenju medicinskih proizvoda i sličnim krivičnim djelima koja predstavljaju prijetnju za javno zdravlje;
16. Izmjena i dopuna iz 2018. godine Kodeksa Konvencije Međunarodne organizacije rada o radu na moru (MLC) iz 2006. godine;
17. Protokol o određivanju tromeđne tačke između Bosne i Hercegovine, Crne Gore i Republike Srbije;
18. Protokol o izmjenama i dopunama Protokola između Vijeća ministara Bosne i Hercegovine i Vlade Kraljevine Saudijske Arabije o međusobnoj zamjeni nekretnina - zemljišta za izgradnju diplomatskih predstavništava u Sarajevu i Rijadu;
19. Sporazum između Vijeća ministara Bosne i Hercegovine i Savezne Vlade Austrije o razmjeni i međusobnoj zaštiti klasificiranih podataka;
20. Sporazum o vojno-finansijskoj saradnji između Vijeća ministara Bosne i Hercegovine i Vlade Republike Turske i Implementacionog protokola u vezi s finansijskom pomoći između Vijeća ministara Bosne i Hercegovine i Vlade Republike Turske;
21. Ugovor između Vijeća ministara Bosne i Hercegovine i Vlade Narodne Republike Kine o saradnji u oblasti zdravlja životinja i karantinu;

22. Sporazum između Vijeća ministara Bosne i Hercegovine i Kabineta ministara Ukrajine o saradnji u oblasti turizma;
23. Konvencija o uzajamnoj administrativnoj pomoći u poreskim stvarima (MAC);
24. Amandman broj 3 na Ugovor o finansiranju između Bosne i Hercegovine, Republike Srpske i Evropske investicione banke /Bolnice RS-A;
25. Sporazum o finansiranju i projektu između Bosne i Hercegovine, Republike Srpske, i Grada Gradiške i KfW-a u iznosu od 10.266.845,46 eura – Prikupljanje i tretman otpadnih voda Gradiška – faza 1;
26. Nota sporazum o finansijskoj saradnji između Vijeća ministara Bosne i Hercegovine i Vlade Savezne Republike Njemačke za 2018. godinu;
27. Sporazum o grantu između Razvojne banke Vijeća Evrope i Bosne i Hercegovine u vezi s Regionalnim stambenim programom – BiH 6 (2018);
28. Amandman broj 1 na Ugovor o finansiranju, između Bosne i Hercegovine, Republike Srpske i Evropske investicione banke / Bolnice RS-B;
29. Sporazum o finansiranju i projektu između Bosne i Hercegovine Republike Srpske, Grada Gradiške i KfW-a u iznosu od 3.800.000,00 eura – Prikupljanje i tretman otpadnih voda Gradiška;
30. Sporazum o zajmu i projektu između KfW-a, Federacije Bosne i Hercegovine i Elektroprivrede Hrvatske zajednice Herceg-Bosne d.d. u iznosu od 15.000.000,00 eura – Rehabilitacija i modernizacija pumpno-akumulacione hidroelektrane Čapljina;
31. Multilateralna konvencija o provođenju mjera za sprječavanje erozije poreske osnovice i premještanja dobiti koje se odnose na poreske ugovore (MLI);
32. Ugovor o finansiranju između Bosne i Hercegovine i Republike Srpske i Evropske investicione banke – Mjere zaštite od poplava RS;
33. Ugovor o finansiranju (Vodovod i kanalizacija u Republici Srpskoj II) između Bosne i Hercegovine i Republike Srpske i Evropske investicione banke;
34. Ugovor o zajmu (GrCF2 W2 – Projekat javnog prevoza Sarajevo) između Bosne i Hercegovine i Evropske banke za obnovu i razvoj;
35. Ugovor o finansiranju (Koridor Vc-srednji dio) između Bosne i Hercegovine i Evropske investicione banke;
36. Sporazum između Vijeća ministara Bosne i Hercegovine i vlada ostalih članica Inicijative za spremnost i prevenciju katastrofa u Jugoistočnoj Evropi o aranžmanima zemlje domaćina za Sekretarijat Inicijative za spremnost i prevenciju katastrofa u Jugoistočnoj Evropi;
37. Amandman na Rimski statut Međunarodnog krivičnog suda (Amandmani iz Kampale);
38. Protokol o saradnji u traženju nestalih lica između Vijeća ministara Bosne i Hercegovine i Vlade Crne Gore;
39. Sporazum između Vijeća ministara Bosne i Hercegovine i Vlade Republike Srbije o saradnji na realizaciji Projekta autoputa/brze ceste Sarajevo – Beograd - Sarajevo;
40. Sporazum o finansiranju i projektu između KfW-a, Bosne i Hercegovine i Federacije Bosne i Hercegovine u iznosu od 9.500.000,00 eura – Energetska efikasnost u javnim zgradama;
41. Sporazum o zajmu (Hitni projekat za COVID-19 za Bosnu i Hercegovinu) između Bosne i Hercegovine i Međunarodne banke za obnovu i razvoj;

42. Sporazum o zajedničkoj javnoj nabavci za nabavku medicinskih protumjera za Bosnu i Hercegovinu;
43. Sporazum o investicionom grantu između Bosne i Hercegovine i Evropske investicione banke, Koridor 5c – izgradnja dionice autoputa Zenica sjever-Žepče jug, poddionica 4: Ponirak-Donja Gračanica, dio I: Ponirak-Vraca (izlaz iz tunela Zenica);
44. Ugovor o zajmu (GrCF2 W2 Projekat javnog prijevoza Sarajevo Dio2) između Bosne i Hercegovine i Evropske banke za obnovu i razvoj;
45. Ugovor o zajmu (Projekat Živinice regionalna deponija za čvrsti otpad) između Bosne i Hercegovine i Evropske banke za obnovu i razvoj;
46. Ugovor o grantu (Projekat regionalni vodovod Plava voda) između Bosne i Hercegovine i Evropske banke za obnovu i razvoj;
47. Sporazum o finansiranju i projektu između Bosne i Hercegovine, Republike Srpske i KfW-a, Frankfurt na Majni, u iznosu od 10,000,000,00 eura – Energetska efikasnost u javnim zgradama;
48. Sporazum o finansiranju Programa aktivnosti prekogranične saradnje Srbija – Bosna i Hercegovina za 2018. godinu između Evropske komisije, Republike Srbije i Bosne i Hercegovine;
49. Sporazum o finansiranju Programa aktivnosti prekogranične saradnje Bosna i Hercegovina – Crna Gora 2018-2020, za 2018. godinu, između Evropske unije, Bosne i Hercegovine i Crne Gore;
50. Sporazum o finansiranju između Bosne i Hercegovine i Evropske komisije kojim se mijenja Sporazum o finansiranju između Bosne i Hercegovine i Evropske komisije u vezi „Interreg IPA programom prekogranične saradnje Hrvatska, Bosna i Hercegovina i Crna Gora“ za period 2014-2020. (CCI 2014TC1615CB004) u okviru Instrumenta pretpristupne pomoći (IPA II);
51. Sporazum o finansiranju državnog programa aktivnosti za Bosnu i Hercegovinu za 2018. godinu između Bosne i Hercegovine i Evropske unije;
52. Sporazum između Vijeća ministara Bosne i Hercegovine i Vlade Rumunije o međusobnoj zaštiti tajnih podataka;
53. Dodatni protokol 6. o trgovini uslugama uz Sporazum o izmjeni i pristupanju Centraloevropskom sporazumu o slobodnoj trgovini (CEFTA 2006);
54. Ugovor Wipo-a iz Marakeša za olakšanje pristupa objavljenim djelima slijepim, slabovidnim i licima koja se iz drugog razloga ne mogu koristiti štampom;
55. Izmjenjena konvencija za satelitske komunikacije (EUTELSAT);
56. Sporazum između Vijeća ministara Bosne i Hercegovine i Vlade Švicarske Konfederacije, vezan za odobrenje finansijskog doprinosa u formi donacije za projekat prikupljanja i prečišćavanja otpadnih voda u Gradišci;
57. Ugovor o zajmu (Projekat gradskih saobraćajnica Sarajevo) između Bosne i Hercegovine i Evropske banke za obnovu i razvoj;
58. Sporazum o zajmu (Dodatno finansiranje za Projekat registracije nekretnina) između Bosne i Hercegovine, i Međunarodne banke za obnovu i razvoj;
59. Amandman broj 2 na Ugovor o finansiranju između Bosne i Hercegovine i Evropske investicione banke, naknadno izmijenjen Amandmanom broj 1 – Distribucija električne energije u BiH-C.

